

Juez Mr. Foy

MESTER CONTROLA FUENTENAN CU TA FOMENTA CRIMINALIDAD

Rehabilitacion di e preso lo duna mihor resultado cu simplemente encarcele

ORANJESTAD(AAN) -- Un di e personanan invita pa duna un discurso den e di 19 reunion di Jueznán di National Bar Association tabata Juez mr. Foy.

Den su discurso mr. Foy a muestra cu Corte penal ta un proceso den cual cada escena

mester contribui na e mesun meta esta prevencion y control di criminalidad y rehabilitacion di e delincuente.

Ehersion di trabao mester ta eficiente di un disciplina pa e otro, di Polis, Fiscal, Juez te na e cuidador di preso y e

exito di cada funcion ta depende di e efectividad di tur.

Mr. Foy a sigui bisa cu si Polis no ta efectivo den prevencion di criminalidad, Corte y prison lo worde inundado pa delincuente.

Si Polis faya den resolve criminalidad, no por persigui esnan culpable y consecuentemente Corte no por haci justicia.

Ta conoci cu mayoria di e delincuente criminal no ta worde raporta. Pues, Polis no ta efectivo, no ta di confia of di reseta.

Segun mr. Foy, e problema hopi biaha ta cu cierto tarea ta worde duna na Polis pasobra nan tey. Esaki ta malo. Polis mester traha pa preveni y control di criminalidad envolviendo conducto humano y no desvia nan esfuerzo door di trata di reforza regulacionnan.

E sistema no tin e chance ora un Procurador presenta casonan di Polis cu no ta completo; e caso ta perdi. Personanan culpable no ta worde condena y e pueblo no ta worde protehe.

Si Cortenan no por atende casonan criminal pa hopi luna, prisonnan lo ta demasiado yen cu personanan kendenan lo no worde poni den libertad pendiente nan caso worde trata.

E acusado, culpable of inocente, lo enfrente e posibilidad di perde su trabao, e kibra den un familia, e ta worde expone na homosexualidad y tambe haya actitud antisocial.

Finalmente si coreccion faya pa rehabilita, e ora ey tur e esfuerzo di Polis, Fiscal y Jueznán solamente lo accelera e ciclo di crimen.

Mr. Foy ta kere cu e seguridad di pueblo ta depende ariba rehabilitacion.

Si un persona cu a worde haya culpable no tin un mihor chance cu un den diez pa rehabilita, e ora ey e sociedad cu ta e otro banda di e medaya no tin un mihor chance.

Te cu ora e worde poni den libertad e sociedad ta mesun leu cu promer e persona aki a worde encarcela.

Mr. Foy a indica cu prisonnan

ta algo mas cu un lugar pa wanta hende. Gran parti di e prisonnan ta concentra den e esfuerzo di custodia, baranan di heru pisa, sistema di camara sofistica, guardianan arma.

Masha poco ta worde haci ariba educacion, sifa e preso un ofishi. Mayoria di e prisonnan tin demasiado preso. Aruba, den e aspecto aki no ta diferente.

Presonan ta presonan. No seman humano. Y nada ta accelera e proces di priva un hende mas rapido cu prisonnan y masha poco biaha prison ta cambia esnan cu ta haci malo.

Erroneamente, preocupa cu Jueznán ta encuanto criminalidad, e area den cual henter sistema di corte penal cu ta ofrece e mihor oportunidad di preveni criminalidad ta esun mas descuida.

E estadistica mas importante ariba crimen ta esun cual ta indica cu 80 pa 90 por ciento di tur e crimennan serio, ta ser cometi pa recidivistanan, esta personanan cu ya a cay den man di justicia.

Mr. Foy ta remarca, si parti di e criminalidad cu awor nos ta sufriendo por worde reduci door di coreccion, no ta mihor nos haci un esfuerzo maximo pa haci esaki pa asina sufrir menos?

El a indica cu gran parti di novelanan, cinenan ta relaciona cu crimen. Articulanon encuanto criminalidad ta haya un gran parti di cobertura den medianan di comunicacion y e autor di e crimen semper ta un otro persona. Un persona desconoci pa nos.

Mr. Foy ta haya cu probablemente esaki ta loke ta empedi e coreccion. Criminalidad no ta solamente

un indecente incidente, e ta un comportacion humano. Ta ser humano ta comete crimen.

Esaki por worde remedia ora cu realiza cu no tin division entre delincuente y nos mes.

Mr. Foy ta kere cu rehabilitacion lo mester ta e meta di e coreccion moderno y tur otro consideracion mester worde liga na esaki.

Ora presonan rehabilita, salud y speranza ta worde duna, educacion y un ofishi mester worde provee.

Esun rehabilita ta comprobe e sociedad y ta dispuesto pa contribui pa e sociedad y forma e comienzo, e proceso di coreccion pa cu e comunidad.

Mr. Foy a señala cu loke ta fomenta criminalidad ta e ignorancia, violencia, desempleo, mal nutricion, alcoholismo, adiccion na droga y sistema di educacion cu a faya.

E ta haya cu nan por worde controla. E no ta kere cu criminalidad lo worde elimina si elimina pobreza, ignorancia, mal salud. Pero ta bisto cu condicionnan asina ta responsable pa mayoria di criminalidad.

Si ta preocupa pa cu seguridad di e pueblo, e fuente nan cu ta fomenta criminalidad mester worde controla.

E ora ey nos mester preocupa nos mes cu e pregunta con personanan cu a haci nan mes culpable na criminalidad por worde rehabilita y no cuanto tempo nan mester worde encarcela.

Mester bisa cu mr. Foy a duna un discurso al caso y cu e merece debido atencion di e instancianan concerni si kier frena y controla criminalidad na Aruba cu dia pa dia ta aumentando.

Loke a pasa cu Claudius Philips ta keda topico

CLAUDIUS MERECE SOSTEN DI HENTER ARUBA

ORANJESTAD (AAN): E loke a pasa cu Claudius Philips definitivamente a laga un mancha ariba e organisacion di e Contest di Calypso. E suceso ta keda un topico hopi discuti na Aruba caminda pensamentonan ta cu Claudius no merece loke a haci cune pero cu Claudius merece tur sosten di henter Aruba.

Claudius Philips no ta solamente conoci y reconoci pa su gran talentonan musical. Claudius ta un persona cu a pesar di tur fama cu e por a alcanza ta keda un persona cu ta mantene contacto estrecho cu Pueblo. E no ta haci esaki sacando placa for di Pueblo cu su talentonan musical. En cambio!

Na varios ocasion a keda demostra cu Claudius Philips ta un cantante cu tin vista ariba personanan cu pa nan condicion di bida ta den problema. Pa cualquier evento cu pidi cooperacion di Claudius Philips por conta cu esaki. E cantante y musico no ta midi si e lo haya placa of keda sin haya placa. Tampoco e ta midi di ki estatuto social su audiencia lo ta.

Personanan cu ta organisa eventonan pa personanan menos privilegia den comunidad ta conciente di e tremendo labor di Claudius Philips tras di cortina. E joven aki realmente ta pone su talentonan na disposicion di Pueblo y semper ta cla pa yuda. E ta un ehemplo pa personanan di cualquier ramo y sector pa e forma cu e sa di laga henter Pueblo sinti cu e ta di Pueblo henter.

Un problema di Claudius Philips ta cu su fama no a pone cambia y bay biba den nubia. A pesar di su talentonan y tur loke el a alcanza cu trabao duro semper el a keda mes hende. El a keda e mes persona sencillu y e mes Claudius Philips di tur tempo.

Cu e ta un persona cu ta destaca pa su talento e no por yuda. No ta pasobra un persona ta nace cu algo cu otro no tin mester bay trata di amarga su bida of kibire.

Con cu mire Claudius ta e homber di Calypso y ritmo di islanan Ingles Caribeense pero tambe un artista completo loke a keda demostra pa loke a pasa na OTI ora el a saca cara di Aruba.

Ta conoci cu Claudius Philips no ta haya nada por nada. Si na cualquier pais di mundo un artista di e tamaño aki lo a caba banda di su zapato pa orguyo esey no ta e caso cu Claudius. Tampoco el a alcanza loke den exterior cantantenan hasta inferior na su talentonan a yega di alcanza.

Siguiendo e carera di Claudius Philips di acerca lo topa cu un persona cu a lucha pa loke el a alcanza y a persisti caminda otronan pa decepcion lo a hala un banda. Un persona cu ta mantene su vista dirigi ariba tur hende den comunidad y un persona cu realmente por bisa cu e ta di Pueblo.

Ta pesey loke a pasa cu Claudius a bira topico di dia pasobra Pueblo ta agradecido y Pueblo ta reconoce esun cu merece merito pa loke e ball

Leco

Tin mester di
Drechador di Video y CD
Solicita personalmente

J.G. Emanstraat #35

